

228617



卷〇八二五 程字	卷〇八二四 程字	卷〇八〇九三 城字	卷〇八〇九二 城字	卷〇八〇九一 城字
-------------	-------------	--------------	--------------	--------------



永樂大典

九十



永樂大典卷之八千九十一

十九庚

城

南昌府城

南昌府圖經志本府舊城漢灌嬰所築周十里八十四步闕六門城外浚壕儲水晉大康中太守范甯又

闕二門合爲八門唐初修築西南隅元和中太守韋丹修築東北隅增廣周二十里餘闕門十六宋興城制如舊其門之名曰蓮道俗稱宮步曰惠民俗稱寺步曰廣潤俗稱橋步曰德遂俗稱井步曰章江古稱昌門曰惠濟俗稱倉步曰利涉俗稱觀步曰洪喬俗稱大市曰廣恩曰北郭十門皆瀕江曰望雲俗稱新城曰崇和俗稱壇頭曰延慶俗稱琉璃曰望仙俗稱撫州曰故豐曰廣豐六門皆平陸紹興六年故相李綱來帥以城北巖壅江沙遂橫截東北隅入三里其廣恩北郭故豐廣豐西門廢止存十二門元因其俗稱

國朝以城址逼江迺相地利改築堅固崇廣如式周以深壕壕上植柳其宮步井步倉步觀步大市五門今革其撫州門改曰進賢寺步門改曰惠民

橋步門。改曰廣潤。新城門。改曰德勝。壇頭門。改曰永和。琉璃門。改曰順化。
章江門。仍舊名。門上各起層樓。沿城創蓋戰樓。粉飾壁壘。完備屹然。江右
大藩矣。豫章志。雷次宗豫章記云。郡城漢灌嬰所築。有六門。南二門。一曰
南門。一曰松陽門。西二門。一曰阜門。一曰昌門。是孫伯符遣虞仲翔來與
華府君相語處。東止各一門。以東北爲名。晉太康中。太守范甯更開東之
北爲東北門。以對阜門。又開北之西爲西北門。以對松陽門。合八門也。豫
章續志。按南昌古圖。經府城東北角火壞。元和四年。太守韋丹修築。仍置
敵樓於其上。其東門樓久亦頽毀。又改建東南敵樓。正元十四年。觀察李
巽闢而新之。號避暑樓。遇夏宴休于此。其廣豐北郭。永泰故豐四門皆廢。
楊傑詩云。故豐門近子真家。樓上高吟水鳥才。枕似馬來思住牧。鉤爲龍
去憶張華。滿道故道穿城角。沙漲平川壓水涯。江外西山衝落日。幾重蒼
翠襯餘霞。遵道門。俗曰宮衣。有紫極宮在門內。惠民門。俗曰寺衣。以門對
龍興寺也。或曰蓮米惠民倉自此入。舊志。紹興二十年。周紳張澄復開廣
潤門。俗曰橋衣。亦曰柴步。德遂門。傳曰井衣。嘗有大古井。章江門。古曰昌
門。孫策遺虞翻與華歆交語。即此地也。舊志。國經云。張王閭在西。古昌門北。
下臨章江。有渡口曰宗華。自是走萬安。徐師川嘗有章江記。望詩云。水面

無波千里鏡。日斜倒影一溪紅。漁舟不動鳥飛急。淡淡碧煙蘋木風。惠濟門。俗曰倉步。以對大市。利涉門。俗曰觀步。以進宗華觀。洪喬門。俗曰大市。古國經謂近洪崖先主藥市。故多。或曰非也。門外有石頭渡。正謂殷洪喬投書處。望雲門。北望神宗。故曰望雲。舊有此門。李帥開移築於此。俗曰新威門。崇和門。俗曰壇頭門。有黃紫庭摩井。號東壇。延慶門。俗曰庫牆。晉人有耕於東湖側。獲琉璃佛像。譯立寺以奉之。今延慶寺是也。故名。望仙門。俗曰撫州門。蓋自是走臨川也。古今志云。徐攬子墓。在今直隸門外南品尉廨之側。南門即望仙門。撫有望仙鄉。故以名。子城。亦詳見職方乘。唐吳拱間。都督李景嘉復脩。高一丈八尺。周二里二百四十步。中爲大街。直達于東西二門。俗呼東西華門。蓋猶習李氏之舊稱也。其南則府之所治。僅居其半。其北今之親兵營與倅僚等廳也。南雖有樓。而門故塞不啓。涂廡古今志云。今之子城門闕。是觀察使李吳所建。南昌古國誌云。舊止東西門。李吳改爲雙門。刻傳置鼓角馬。又吳興記云。豫章土闕高則長沙虎食人。今豫章子城門亦不開。嘗一開之。虎輒入城。後屢開復塞者數矣。宋朝以來。東西二門。淳化五年。知州陳象輿所作。熙寧二年。太守元積中所修。建炎己酉。盡火於兵。紹興中。三樓相繼興起。然竟置鼓角刻漏於西門。而

南門則直廢而不靡殆猶承前之虎異也。以理推之。似或不然。長沙多虎。何預豫章利害。而輒爲之塞門。豈理也哉。蓋門直設廳之前。樓峙南堞之上。面納章貢二水。旁絕筠撫諸河。洶湧浩濤。悉匯于樓下。而北注之彭蠡。西山之山。東湖之湖。間見層出。環擁競秀。實形勢之勝也。意者不敢直啓以當之。此所以廢而不靡歟。西門樓。唐以鎮南軍。趙鼎帥之。上有鼓廳。及刻漏。制作甚精。後杜牧作池州刻漏記。其略云。我太和三年。佐吏部侍郎師江西府。暇日。公與賓吏環城。見銅臺銀箭。得如古法。曰。建中時。嗣曹王皋。命處士王易簡爲之也。處士精大演數。與雜機巧。識地有泉。擊公浦起。韓文公嘗與之遊。以此知豫章銅漏之法。有所自矣。東門樓。唐以陸贄都督之府。鄧仲立。樓本元和中作。曾舍人肇有記。南昌樓。俗名南樓。左望大江。下臨閭闔。煙汀島渚。樓在日。其一部。勝繁。涂廩古今志。今之子城門關。是觀察使李巽所建。儀門是觀察使楊憑所修。第二重城。是乾道中江西賊徐彥謩寨。外羅城。是鍾今公景福二年所築。郛牆東南有雙門。吳五鳳二年。太守淮陽張俊子彥所造。二關相去十二丈。圖經云。豫章城久荒廢。自唐初修築。西南隅四分之一。即今之州治也。凡八門。其額皆曾楷公徐浩書。集異記。洪州城。自馬援置立。後不復修葺。相傳云。修者必

死。唐永泰中。都督張鎬修之不疑。於城西北隅遇一大坎。中有二蛇。頭類牛。形如巨瓠。長六十餘丈。小蛇不可勝數。鎬命以竹蔑牽之。隨牽而出。入徐孺亭下放生。池中水深數丈。鱣魚皆走出水死。後七日鎬薨。判官鄭從南昌令馬皎相繼而卒。宋會要政和七年六月十五日。詔洪州在江南萬一都會。訪聞外城門啓閉無特深慮。鍵閉不嚴。透漏私商姦細。浸久生患。仰本州常切指揮兵官。遇夜分詣逐門檢視封鎖。飛申聞遣曹掾官覆視。稍有違慢。守門人等並行決配。當職官衡替。蔡九峯。隸南昌城。魏城十八里。雄壯稱洪都。北郭勢迤邐。南浦形縈紆。連亘控西江。囊括盡東湖。漢遺故址。李相規舊模。改築龍沙堤。三方第如初。得非彫殘後。民力不足歟。得非府庫竭。費用不給歟。當時廟堂上不主公議歟。我來客城間。感榮成。歎吁。今古如一轍。有才能遠圖。趙蕃淳熙蒙隆興城外作風動雲昏月。擗鳴鷗避船。秋清主既夕。客意怯幽眠。滯爾江行駛。病余人事牽。府公仍仲舉。白屋定誰賢。呂南公灌園集豫章城。西山東下古池隍。增飾依稀問晚唐。平世但嚴民。莞鏹亂時曹。是賊金湯。春歸舊蝶多芳草。鳥聚荒碑正夕陽。也欲登臨賦風物。肯憐才筆厭憂傷。翁卷詩春日登南昌城。獨立高城四望低。望中無物不堪題。欲知春事幾深淺。芳草青青猶未齊。

元伍良臣中流集洪城有感 赤幟先登鼓角哀 塞空兵氣黯塵埃 臂鷹壯士來駝去 遂免少年騎虎來 山壘西風連草樹 薇垣夜雨長莓苔 最憐相國高昌老 零落臨川骨已灰 孺子亭臯湖湧浪 重腫城關樹駢羅 當時霸業人何在 千古高風道不磨 畫閣虛無秋宴少 戍樓依約夕陽多 閒情盡付東流水 獨立蒼茫聞桴鼓 史角唐李理自建鄆徙鄆洪州一日重懷滕王閣已廢城上周遭皆作戍樓

都尉故城

豫章志都尉故城在南昌縣南三里北連郡城隋大業二年置三年廢

劉繇城

豫章志劉繇城在南

吳志云繇為揚州刺史畏袁術不敢之州乃治曲阿興平元年為孫策所攻繇奔丹徒遂游江南保豫章駐彭澤管融先至豫章殺太守朱皓入居郡中繇招合屬縣攻破融融走入山為民所殺繇尋病死於郡北城蓋當時所築城壘甚堅至今猶存號為劉繇城

余城

豫章

志余城涂廡志云在建昌縣南湖井村余項字希託梁時侯景別將于慶入豫章進攻新吳孝項起義兵拒之因築此城後為太尉王僧辨所獲官至陳蔡二州牧方輿記云在新吳縣西十五里周回三里餘

椒丘城

豫章志椒丘城在郡北下流一百四十里鄺元云

水又經椒丘城下。建安中，孫策所築。豫章記云：劉勲建安四年，爲孫策所破。於潯陽欲謀取豫章太守華歆，築此城。江表傳云：孫策在椒丘遺虞翻說華歆，即其地也。

孫奮城

豫章志：孫奮城在郡東北二里，奮爲齊王都武昌，諸葛恪執政，不欲諸王處江濱，徙奮南昌，蓋

居於此。鄧元帝：潯水東北，逕王步側，有城，云是孫奮爲齊王鎮此。此城之渚，今謂之王步蓋，齊王之渚步也。郡之東南二十餘里，又有一城，號曰齊城，二城築道相通，蓋其離宮也。

齊城

太平寰宇記：齊城在洪州東陸路二十里，又按輿地志云：吳大帝太元二年，立孫奮以爲

齊王都武昌，豫章志云：

昌邑城

輿地紀勝：昌邑城在洪州北一百三十里，雷次宗：豫章記云：昌邑王

賀封海昏侯，就國築城於此。今舟楫經從建昌界上，有所謂昌邑山。

豐城縣城

豐水志：子城周四里二百步，高二

丈，闊一丈二尺，濠闊五丈，深一丈，環郭六門，東正信，西折桂，南劬池，天寶北通江，望仙縣在章水之東，羅阜前峙，長江後映，洲渚橫陳，支流縈帶，城外池濠環繞，俗號腰帶水。後人欲便往來，縣之西北湮池爲路，風水爲之隔絕，淳祐乙巳，劉宰卿日，米陰陽家之說，鑿路通濠，架橋其上，始復舊制。

豫章續志城有二門南門
揭縣額北門勝曰登要。

黃金城

豫章續志黃金城富城縣故基也。在縣西二十里長豐鄉今遺

址具存本漢
建安中置。

始豐城

豫章續志始豐城基在豐城縣南七十里。

吳城

豫章志吳城在豐城縣西

南三十里云孫鍾種瓜之地。鍾即孫權祖也。

黃牛城

豫章續志黃牛城在進賢縣南五里父老相傳以爲黃帝戰蚩尤時

駐於此舊於其地中
得箭鏃今故基尚存。

奉新縣城

豫章續志奉新縣有古城隋張文憲所築也。又有今城唐劉正

一所築也。按隋大業十年詔天下州縣皆築城縣有漢所築舊城險不可守。縣令張文憲乃脩城居焉。今地名改縣是已。在今縣西三十里。城之規

畫髮髻猶存焉。唐神龍三年縣丞高良敬又以阻險民不安居議遷縣于馮水之北。長慶三年縣令劉正一率邑人修城以居其高閣不滿尋丈其

東有溝其西有溪南北二門抵鎮邊營城周五里五十步東西三里五十步南北二里。

太史城

太平寰宇記太史城在奉

新縣西四十里。後漢末太史慈創置。周迴三里西南有城角山東南有盤山北枕江水其地險固其址尚存。豫章志太史慈城。涂廩云在建昌縣西

三里。漢末建安八年。荊州刺史劉表從子磐。數寇艾。西安諸縣。孫策經畧江淮。分海昏等六縣。以太史慈爲建昌都尉。築此城。并督諸將以拒磐。孫權統事。以慈能制磐。委以南方之事。後卒於海昏。方輿記云。在新吳縣西四十里。周回三里。基址尚存。

越王山城

元一統志。越王山城。在奉新縣西五十里。按陳寅具常觀記載。道士鄒大皎語。以爲春秋越王勾踐伐楚。屯兵于此。城堞猶存。又有齊雲峯。鳳凰池。枇杷峯。趙越場。青草塘。點軍坪。龍鬚洞。雷公塘。走馬峯。英游石。樓臺石。

分寧縣城

豫章志。分寧縣城。周回四百八

古艾城

太平寰宇記。古艾城。後漢劉陵。豫章艾縣人是。此地陵爲侍中。車駕出祠南郊。上升輦欲卧。陵跪曰。陛下爲萬

乘主。升車不正立。雖早欲寢。不當上爲天地靈所鑒。下爲萬姓所觀。耶。上有愧色。曰。敬受侍中之言。人爲立祠。元一統志。古艾城。在分寧縣西一百里。查田市之下。龍岡坪。春秋魯哀公二十年。吳公子慶忌出居于艾。杜預註。豫章有艾縣。自漢至宋。齊梁陳皆有艾。隋開皇九年。晉人建昌。

西平縣故城

豫章志。西平縣故城。圖經云。在分寧縣西一百九十七里。後漢書鄧通西平人。卽此地也。故分

寧縣有通宅基存焉。又云在分寧縣三百里。唐武德五年置。貞光三年廢。開城六年再置。開寶二年復廢。

西安故城

豫章

志西安故城。在分寧縣西二十里。漢建安中置縣。隋開皇九年廢。

武寧縣城

續豫章志祥符圖經云。武寧縣城。周

回一里一百二十步。基廣二尋。高二仞。唐天寶四年縣令范建殊。

靖安縣城

豫章志靖安縣城。周回二里。靖安志

職方乘載。縣城周回三里。

建昌府城

建昌府圖經志。城舊制。原闊九里三十步。前元多圯。壞不治。士辰兵興。守者屢

修之。辛丑歸附。

天朝時。河南行中書省平章王溥守建昌。因兵燹之後。以西北地勢卑。遂收入向東。就高處。改築周圍。重新加高。結砌堅壯。完固。粉牆箭樓。鋪舍吊橋。俱各完備。東南帶河。西北緣以濠池。今城止有八里餘。洪武元年。指揮耿顯忠守建昌。以東西南北四門城樓差小。將欲改創而斥大之。於是申聞

朝廷。欽奉

聖旨。於東西南北四門。重新改創。城樓各一所。復增築甕城樓三座。宏壯高大。又過於前矣。城東之門舊有三門。一曰天酒門。一曰盱江門。一曰合江門。

天酒門。正大東門也。今改曰武勝門。以通往來。餘皆塞城。西之門舊有二門。一曰紅泉門。一曰青輝門。紅泉門正大西門也。今改曰儀鳳門。以通往來。餘皆塞城。南之門舊有四門。一曰迎僊門。一曰青露門。一曰太平門。一曰安濟門。迎僊門正大南門也。今改曰通會。以通往來。餘皆塞城。北之門舊有一門。曰朝天門。今改曰朝京門。好江前志在易。王公設險。以守其國。而諸侯城隅之制。亦著於禮經。然失其時制。則春秋譏之。以此見聖人慎土工。重民力也。建昌軍自西漢潁陰侯灌嬰立。南城縣未有城壁。至唐僖宗乾符中。汝南公鎮無北地。有功遷南康太守。臨行。召諸將指畫規摹。均其版築。肇建羅城。周回一十三里。開一丈六尺高二雉。露屋一千一百三十七間。敵樓三十二所。東西鑿八門。南北二門。門則通衢焉。本朝開寶二年。僞唐昇南城縣爲建武軍。命周元副使李崇贍充營屯兵馬監押。攝本軍制置公事。與勅解舍。遷造軍營。崇贍於羅城內。增築制院城。一百六十丈。制城門樓四所。總十有二間。各高三丈三尺。東曰來遠門。取其通達。鉅泉南之路也。西曰永豐。南曰祈仙。北曰朝天。又造鼓樓高三丈五尺。縣解計以間者七十。郡治倍焉。門之東西立資用鎧戟二庫。城之南北列指揮兵卒四營。緣以周墻三百五十丈。省倉軍糧倉五百楹。臨江迎賓館二。酒

坊。河市。廂虞。候院各一。又建浮橋于河水之上。越八年。王師平江南。改建武爲建昌。始命牧守。城郭井邑。悉仍舊貫。景德元年。詔下少府以金鉦一所。數十枚來賜。農桑戶口。日以滋殖。慶曆七年。郡守虞部張頌。更浮橋。遷集賓亭。作迴車院。修郡治之公廳。築土方五丈。架梁三十有五。尺次。年郡守太常博士吳某。又改作儀門。以及內寢。郡廨。棟宇於是大備。元豐間。郡武有廖恩之變。太守鄭公瑛。以舊城隱圯。無以備不虞。奏乞修築。朝嘉其請。給勅。詔二道。驚于郡。乃收納粟之資。鳩工度材。萬杵雷動。不日告成。甃以磚石。翦東岸水圯之地。闢西隅爽塏之所。周迴九里三十步。雄傑樓櫓。爲之一新。時制適中。廣狹得宜。堅固峭壁。爲江西郭壘之冠。民至于令賴之。其餘城池。凡古跡之可考者。併刊于後。彊宇志古者王畿十里。公侯之國七百里。體國經野。以爲民極。秦漢之制。郡國以城池爲上。而戶口次之。所陌又次之。唐史臣志地理。敘漢制。述戶口及四境所至。此書之法也。聖朝以路統郡。以郡統縣。以縣統鄉。以鄉統里。鎮寨皆隸焉。郡之治曰城。縣之治曰郭。郭者不城之謂也。自天子以至郡縣守令。其居皆曰衙。所以聽訟治事於其所者也。宮室於是乎列焉。建昌自漢潁陰侯立。南城縣至南唐墜曰建武軍。開寶八年改曰建昌。錄淳化至紹興。以南豐來屬。又析爲

新城廣昌。領縣凡四。而治南城。凡郡之境東西二百三十有九里。南北四百三十里。至東京三千五百里。至行在所一千二百三十里。其東則至邵武軍界一百三十五里。以杉嶺分水爲界。自界首至邵武軍一百三十九里。其西則至撫州界五十里。以磁龜山分水爲界。自界首至撫州一百七十里。其南則至贛州界三百七十里。以脩嶺爲界。自界首至贛州五百十里。其北則至撫州界四十五里。以界山爲界。自界首至撫州七十五里。其東南則至邵武軍界二百里。以百丈嶺爲界。自界首至邵武軍三百五十里。其西南則至贛州界三百七十里。以梅嶺山爲界。自界首至贛州四百四十里。其東北則至饒州界一百三十里。以出雲山分水爲界。自界首至饒州五百九十里。其西北則至撫州界五十里。以茨龜嶺分水爲界。自界首至撫州一百九十里。初漢立南城縣。城隅之制未聞也。至唐僖宗乾符中。汝南公鎮南城。有功還南康太守。將行召諸將示規模。均版築。始作羅城。周十有三里。廣一丈有六尺。高二丈。爲露屋千一百三十七楹。敵樓三十二所。東西爲八門。南北爲二門。閭闔二年。南唐命園苑副使李崇贍爲建武軍制置公事。崇贍乃於羅城之內。增築制院城百六十丈。作門樓四所。所三楹。高二丈三尺。東曰來遠。以其通建州之遠也。西曰永豐。南

曰祈仙。以其通麻姑山之道也。北曰朝天。以其通京師之道也。景德元年詔下少府以金鉦一。戰十來賜郡治稍稍備焉。其後城益墮圯。非王公設險守其國之義也。元豐中李盜來恩據邵武爲亂。太守鄭俊珪謂舊城不可以備不虞。乃建言于朝廷請新城築。詔從之。命有司給其費。更闢西隅之地。擇其要壤者作新城。周九里三十步。昔周官匠人營國方九里。以宮隅之制爲諸侯之城制。皆九里也。然則斯之爲城。其諸成周之制乎。雉堞樓櫓皆撤而新之。爲禦頭二千三百三十。敵樓四十有五。馬面二十有三。東隅之制甃以石。西南北則甃以磚。率一面壯而三面弱。爲門十。東曰太平。曰安濟。曰合江。謂南豐廣昌新城之水。與行江合於此也。曰天酒。舊曰行春。元祐癸酉甘露降于門之泰山。因改曰天酒。福建之通道也。凡四。西曰洪泉。舊曰永豐。又曰山光。治平三年郡守黃侯師道改紅泉取謝靈運詩石磴瀉紅泉之句。今改紅曰洪。曰青輝。凡二。南曰祈仙。起麻姑山者。由是門而出。故曰祈仙。今侍郎曾公穎茂書扁曰膏露。景德丙子甘露降于門之松。目以名門。凡二。北曰朝天。入行在所之通道也。後改曰朝京。今復舊名曰朝天。侍郎曾公穎茂書扁曰野江。舊曰浮桁。元豐中太守陳俊輝題詩壽昌寺碧溪軒詩云。蕭疎華薄隨山村。清淺浮桁帶郭門。竹倚欄干

水邊寺。興。宋題作碧溪軒。後改今名。凡二初南城舊城。去今城二里。跨盱水而爲之。至是載築。乃敝東而展西。故東界盱水爲池。以成其險固。而闢洪泉門之外。居民數百戶入于城。故西池地卑。皆昔門外之民田也。建炎元年。金虜入我南昌。我師失利。長驅而來。江西諸郡懼。無能禦之者。獨建昌城。虜不能破。苗傅劉正彥叛。頃兵城下。十餘日。攻弗克。乃遁去。紹興元年。虔寇李崇仁率其族萬餘人來圍城。居數日。知不可破。又引去。其城壁堅。緝有如此者。故建昌之城。爲江西諸郡最。二十七年。太守胡侯舜舉始再葺之。由紹興迄寶祐六年。凡一百載。門有樓者。將什焉。有壁者。多隳焉。其年冬十一月。壁乃更葺。治城門。作新南門。明年。改元開慶。築城一百五十餘丈。周九里。皆補完之。於城皆置樓櫓。敵樓禦頭爲之一新。通判軍事馮侯夢得爲之記。曰。盱治豫章之南。曰南城。漢以後。築削莫詳。唐乾符。汝南公作羅城。周回一十三里。以其地控閩粵孔道。爲江右第一藩屏。然郡猶未建。麻姑鳳崗。蛻螳之氣。至我朝浸盛。開寶升爲建武。太平興國。易爲建昌。元豐間。鄭公瑋爲九里三十步城。正合有周以宮陽之制。爲諸侯之城制也。紹興胡公舜舉再葺。迄寶祐戊午。一百有六年。日引月長。積頽朽。消息因革之會。天必有人物以擬之。是年夏。盜發南豐。至秋。猶梗。聖天

子以爲憂壞視在朝思得有惠氣威風者鎮撫焉。今太守曾公以刑部郎官當其選。始至。不鄙夷其民。布宣天子德意。欲與並生。一以寬大從事。豈竹龍蛇。必不得已。哀旅入阻。姑殲其首惡以徇。餘則盡放爲農民。按堵如故。而境內大治。古者諸侯守在四隣。其次守在四境。今四境寧。左餐右粥。童兒踊躍歡呼。無內憂外懼。固異乎囊瓦之城郢也。我是以有城門之役。月令以冬月坯城郭。修鍵閉。凡從時啓閉。以治其弊。以待聞閉之急。土功法也。我是以有李秋之役。涉冬歷夏。綢繆次第。越四月雨潦生。如擊甕。不沒僅三四版。蓄斷邊陲凡百餘丈。价人維藩。母伴城壞。雨畢而除道。清風至而脩郭郭。此先王之教也。我是以有今秋之役。是役也。不亟不徐。各以敘舉。雄堞樓櫓。環植周匝。棖店瓦甍。黝壘丹漆。蓋視昔衆壯。祈仙門樓舊。偏下卑傑。弗稱衛明之義。乃盡撤而新。高培三尺。袤過之。漫迴高啄。傑出九列。與臯門相先面離。始於體爲愜。嘗試登眺。江山之鬱盤雲煙之飛薄。沙石細繡。覽不盈掌。摩壘而上。偉觀亦被文績。及是百堵又興。用層石二千七十丈。軌甃二十萬二千有奇。隄陘登瑩。而缺者始完。匠則傭工。夫則鳴兵。願未用錢以省。婚計者二萬米。以石計者四百。傳曰。知所先後。則近道矣。君子入人之國。每從宮室臺觀橋梁之間。以觀政。况設險以守。